

GRUPO RÍTMICO SABLIKA
Brenton "Payo" Balentien / Royston Hato
Darrel "Titi" de Palm

Letra Kantado Mayo 2024



Tempu, E maestro!

Tyeisha Bernabela

At'é momento pa wapa ku tempu
Hisa kara gradisí nos Kreadó

Koro: sea bon òf malu e ta un momento

Koro : E ta un momento, e ta un momentu
Tempu pèrdí no ta bini mas

Mira kon tempu a hala sera, ta señal di awaseru.
Ban prepará kunuku, traha dam pa warda awa.
Tendémi akí mi pueblo laga mi rekordábu
Tempu ku pasenshi ta kana man den man rumannan

Koro: ku pasenshi lo bo gana gloria

Pasenshi ta e yabi pa planta i kosechá

Koro: sea bon òf malu e ta un momento

At'é momento pa wapa ku tempu.
Hisa kara gradisí nos Kreadó
Den tempu di miseria maske mulina kai afó
Ningun kunukero ta bandoná su plantashon
Tin tempu bon i agradabel i tambe tempu di shete baka flaku

Koro: maske kon e tempu nos mester siña afo
Tempu ta kambia hende, hende ta kambia ku tempu

P'esei ta agradesido pa loke Djo a duna nos
Mare mi por a par'é
Pa nos por wapa nos seú



Koro: at' é momento, at' é momento

Hisa kara wak oloshi

Koro: Ban Kana ku tempu
Kana ku tempu

Tempu, e maestro!

Liñanan pa pregon: “ kana ku tempu ”

Ora tin malu tempu, paranan lo anunsiá
Ban hasi orashon p'e tempu kana bon
Tempu no bai laga nos
Kere mi, nos sa bo balor
Loke por hasi awe, no laga pa mañan
Tur kos ku nan tempu pero e tempu di Dios ta perfekto
Despues di tempu di sekura awó ta temp'i abundansia
Despues di tantu purba mester sigui pusha
Despues ku tera a sakudí nos mester bolbe konstrui
Pa nos forma un nashon ban hasi' é ku kurason

Kek:

Hey rumannan, konta k'e tempu?
At'e tempu awe, laga nos bib' é
Wapa sin prekupá ku e momentu
Ate tempu awe, hala bin gose

Final Tempu t'e mihó maestro, ta lès di bida e ta!



Tempu, e maestro!

Splikashon di titulo i frase:

Palabra tempu por i ta referí na diferente faktor, Faktornan manera :Ora, dia, año, luna etc. Pero tambe ta usa tempu pa indiká algun temporada di bida por ehèmpel: ta tempu di sekura, tempu di kuaresma etc.

Tambe tempu ta sinonimo di wer: p.e. mal tempu

Pues tempu tin i ta diferente faseta den nos bida diario.

Dicho: “ **Den tempu di misera maske molina kai afó ningun kunukero ta bandoná su plantashon** ”

Nifikasihon: Maske kosnan/bida no ta bai bon, no mester entregá. Den tempu difisil sigui dil ku loke ta pasando.

Tempu di 7 baka flaku : Ta referí na e periodonan ku bida no ta bayendo manera deseá.

Kana ku tempu = manera ariba ya menshoná tempu ta referi na diferente faseta den

nos bida.

Fasetanan ku ta indiká sea un temporada òf pa referí na un momento spesífiko.

P'esei kana ku tempu ta pa nos ta konsiente ku mester sigui desaroyá, kual ta nifikasi tin

ora sigui pa dilanti of asta tin ora dal dos stap atras pa kue forsa.

Kada momentu di kual nos mester tin tempu ta eksigí un reakshon di nos i ora eseí

presentá nos mester sa kon pa atendé i adaptá nos mes na esakínán.